



4. oktober 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Svend Hardenbergip pisorta qarfirmi pisortatut atorfinitsinneqarnera pillugu Naalakkersuisunut apeqqutit:

- 1. Ilumoorpa, atorfinitsitsinermut ataatsimiititaliap sisamanik inuttaqartup aallaqqaammut Svend Hardenberg narrugisimagaluarmassuk toqqarsimagaluarlugillu allat piukkunnarnerusut marluk, Naalakkersuisut siulittaasoqarfiani pisortatut atorfik inuttalernerqassammat?**
- 2. Ilumoorpa Naalakkersuisut Siulittaasuata Aleqa Hammondip Svend Hardenberg qinnuigisimagaa Naalakkersuisut Siulittaasoqarfiani pisortatut qinnuteqaqqullugu?**
- 3. Ilumoorpa Naalakkersuisut atorfinitsitsinermut ataatsimiititaliap ersarissumik oqarfigisimammassuk Svend Hardenberg Naalakkersuisut Siulittaasoqarfiani pisortassatut inassutigissagaat?**
- 4. Suna pissutaava Naalakkersuisut atorfinitsitsinissamut akulerussimanerannut?**
- 5. Suna pissutaava atorfinitsitsinermut ataatsimiititaliap innersuussutaanut Naalakkersuisut tusaajumasimanginnerannut?**

(Inatsisartunut ilaasortaq Jens B. Frederiksen, Demokraatit)

Tungavilersuut

Berlingske arfininngornermi ulloq 21. september allaaserineqarpoq "Kammalaatigiinneq aamma kammalaatinut kiffartuussipilunneq". Allaaserisami atuarneqarsinnaavoq, politikerit akulerussimasut Naalakkersuisut siulittaasoqarfiani pisortatut atorfik inuttalernerqassammat.

Allaaserisami takuneqarsinnaavoq, Naalakkersuisut Siulittaasuata Aleqa Hammondip Svend Hardenberg kaammattorsimagaa atorfirmut qinnuteqaqqullugu. Aamma atuarneqarsinnaavoq, Svend Hardenberg aallaqqaammut atorfirmut innersuunneqarsimangitsoq, allanik piukkunnarnerusunik qinnuteqartoqarsimammat. Aamma atuarneqarsinnaavoq atorfinitsitsinermut ataatsimiititaliap Naalakkersuisunit peqquneqarsimasoq Svend Hardenberg innersuussutigissagaat.

Paasisutissat tamakku Naalakkersuisunit ulloq mannanut sulii ilumuunnginnerarneqanngillat, taamaattumik upperiumasat upperineqartariaqarput. Demokraatini isumaarpugut kusanarpallaassanngitsoq pakatsinassorlu Berlingskip allaaserisaani paasisutissat eqqussagaluarpata.

Atassut aamma Partii Inuit Naalakkersuisut siulittaasoqarfiani pisartut pakatsinartut pillugit nassuiaammik pinikuusimapput, naak Naalakkersuisut Siulittaasuata Inatsisartut oqaluttarfianiit oqaatigereeraluaraa, inunnut ataasiakkaanut paasisutissat tunngasut oqaatigisinnaanagit, nipangiussimasussaataitanini pissutigalugu. Tamatumunnga atatillugu erseqqissaassutigissuara Atassup siulittaasua Gerhart Petersen



DEMOKRAATIT
DEMOKRATERNE

Naalackersuisuni ilaasortaangimmat, taamaallaalli Inatsisartuni ilaasortaammat, kiisalu Partii Inuit siulittaasua Nikku Olsen innuttaammat nalinnaasoq.

Tamanna tunngavigalugu Demokraatini kaammattuutigissuarput Inatsisartuni ilaasortat sinnerinut taamatullu innuttaasunut nassuiaat saqqummiunneqassasoq, nipangiussisimasussaataaneq sumiginnaarneqareermat Inatsisartuni ilaasortamut ataatsimut innuttaaqataasumullu nalinnaasumut ataatsimut.

Apeqqutit akeqquneqarput tigusineraniit ullut sulliviit nalinnaasut qulit qaangiutsinnagit.